

腋臭門

中惡門

諸蟲門

諸毒門

奇効良方

六十一

奇効良方卷之六十六

腋臭門

十香丸 含化令人遍體俱香

沉香

木香

白檀香

零陵香

甘松去土

藿香

鷄舌香

肉苳蔻 去殼

白芷

細辛

芫蕒

檳榔

丁香 各半兩

龍腦

麝香 各一錢

右為細末研勻煉蜜和丸如芡實大每服一丸不拘時含化嚙津每日不拘時三五度

五香丸

治口臭及身臭止腫痛散血氣

丁香

藿香

青木香

荳蔻子

白芷

當歸

桂心

零陵香各一兩

甘松

香附各二兩

檳榔二枚

右為細末煉蜜和丸如大豆日三夜一時含之咽津五日
內口香十日身香二七日衣被香三七日下風人聞香四
七日淨洗手水落地香五七日把他人手亦香禁五辛去
臭氣之物

治腋氣臭於狐狸者

白礬

燒令汁盡

黃丹

各一兩

青礬

鐵粉

雄黃

膩粉

各一錢

右為細末每夜先以皂莢水洗後用唾津調藥塗之
體氣方

枯礬

輕粉

蛤粉

蜜陀僧

麝香各等分

右為細末研勻每用少許搽之

治腋氣方

青礬

白礬

燒灰各兩

白梅

七枚

古文錢

十四文

右於磁瓶內盛水一大盞浸半日先洗淨腋下將藥水時
時塗之

治腋氣方

田螺

六生者

巴豆

去殼一枚

膽礬

一豆許

麝香

少許

右將田螺以水養三日出泥土揭起屬入膽豆麝在螺內
以線拴住放磁器內次日化成水凡用須五更時將藥水

以手自抹在兩腋內不住手抹藥直待腹內欲行臟腑却住手先要揀深達無人到處空地內去大便黑糞極臭是其證以土厚蓋之不可令人知之如不盡再以藥水抹之又去大便後次日以枯礬藥擦之可去病根

治腋氣方

右以瞻礬如琉璃者半生半熟煨為細末入膩粉少許同研每用半錢以生薑自然汁調藥揩擦腋下亦令十分熱痛則止礬以無灰色石頭妙

治腋氣方

右用熟蒸餅一枚擘作兩片摻蜜陀僧細末一錢許之類在腋下略睡少時候冷棄之如一腋有病只用一半

葉元方平生苦此疾來紹興偶得此方用一次遂絕根

治腋氣方

右法掃去腋下毛以甘遂半兩為末用猪肉两片薄批開將甘遂摻肉上午後貼放兩腋下候明旦五更濃煎甘草半兩為湯一椀服之須臾通下臭氣

治腋氣方

右用活田螺一箇以好麝香少許安於田螺內却埋於露天地上不可雨打待七七四十九日取出看患處淨洗拭乾用墨捺之却再洗看有黑處是竅子用田螺汁點之兩度立愈

治腋氣神妙不可盡述

右用白礬飛過不以多少臨睡時以紙襯卓上伸手托壁柱上以藥乾揩令腋下十分熱痛兩腋指徧先於日中將所着上截衣服用灰汁淨洗又泡去衣袖中臭氣皆無氣息如新衣方可着若洗氣息不斷枉用其藥大槩藥無不驗多是衣服再作氣故不能斷根一方用燒好礬石末絹袋盛常以粉腋下不過十度一方唾調塗之

治陰汗鷓臭兩腋下臭不可與人同行

白礬

密陀僧

黃丹

各二分

麝香

一銖

右於乳鉢內研如飛塵以醋於手心內調藥末搽腋下經兩時辰許却以香白芷煎湯洗之一日用一次

治腋臭神効

密陀僧

四兩

白礬

括過二兩

輕粉

三銖

右為細末頻擦兩腋下擦至半月見効半年全愈

奇効良方卷之六十七

諸蟲門 附論

夫人腹中有屍蟲此物與人俱生而爲人大害屍蟲之形狀似大馬尾或如薄筋依脾而居乃有頭尾皆長三寸又有九蟲一曰伏蟲長四分二曰虺蟲長一尺三曰白蟲長一寸四曰肉蟲狀如爛杏五曰肺蟲狀如蠶六曰胃蟲狀如蝦蟆七曰弱蟲狀如瓜瓣八曰赤蟲狀如生肉九曰蟻蟲至細微形如菜蟲狀伏蟲則群蟲之主也虺蟲貫心殺人白蟲相生子孫轉多其母轉大長至四五尺亦能殺人肉蟲令人煩滿肺蟲令人咳嗽胃蟲令人嘔吐胃逆喜噦弱蟲又名膈蟲令人多唾赤蟲令人腸鳴蟻蟲居胴腸之間多則爲痔劇則爲癩因人瘡瘻即生諸癰疽

癰瘻疔齧蟲無所不為人亦不必盡有有亦不必盡多或偏
有或偏無類婦人常多其蟲凶惡人之極患也常以白慈草沐
浴佳根葉皆可用既是香草且是屍蟲所畏也○凡欲服補藥
及治諸病皆須去諸蟲并痰飲宿癖醒醒除盡方可服補藥不
爾必不得藥力○凡得傷寒及天行熱病腹中有熱又人食少
腸胃空虛三虫行作求食蝕人五臟及下部若齒斷無色舌上
盡白甚者唇裏有瘡四肢沉重多忿喜眠當數看其上唇內有
瘡唾血唇內如粟瘡者心內懊懣心痛悶此虫在上蝕也○凡虫
皆由臟腑不實脾胃俱虛雜食生冷甘肥油膩酸鹹等物皆宜
不時腐敗停滯所以發動又有虫神志不舒精魄失守及五臟
熱又病餘毒氣血積鬱而生或食瓜菜與畜獸內藏遺毒

子類而生虫之為候嘔惡吐涎口出清沫痛有去來乍作乍止
寸白虫色白形扁損人精氣力乏腰疼曉虫細如菜虫能為痔
漏瘡癩疥癰疽等患寸白曉虫是三者皆九虫數中之一物
也外此又有兒童疳蠱昏睡煩燥鼻爛口臭齒斷生瘡下利黑
血虫食下部為狐下唇有瘡虫食其臟為惑上唇有瘡○三虫
者謂長虫赤虫曉虫也乃有九種而曉虫及寸白人多病之寸
白從食牛肉飲白酒所成相連一尺則殺人服藥下之須結囊
潰然出盡乃佳若斷者相生未已更宜速除之曉虫多是小兒
患之大人亦有其病令人心痛清朝口吐汁煩躁則是也其餘
各種種不利人人胃無不有者宜服九虫丸以除之○蛔虫者
是九虫之一也長一尺亦有長五六寸或因臟腑虛弱而動或

因食甘肥而動其發動則腹中痛發作種聚行來上下痛有休
息亦攻心痛腹中熱口中喜涎及吐清水貫傷心者則死診其
脉腹中痛其脉法當沉弱弦令反洪而大則蛔虫也

諸蟲通治方

鶴虱丸 治積年常患諸虫心痛吐水不能食

鶴虱

狼牙

附子

炮去皮

乾漆

搗碎炒

檳榔

白朮

橘皮

湯浸去白

甘草

炙各一兩

吳茱萸

湯浸微炒

乾薑

炮各三分

狼毒

醋拌炒黃

右為細末煉蜜和搗二三百杵丸如梧桐子大每服十五

丸不拘時粥飲送下

取虫積方

檳榔

牽牛

各半斤

雷丸

一兩半

苦楝皮

一兩

大黃

四兩

皂角

半斤

三稜

蓬朮

各二兩

木香

隨意加入

右為細末煎皂角膏子黃糊和丸如黍米大每服二錢四
更時分冷茶清下小兒一錢下虫以白粥補之

萬靈丸 取積追虫

黑牽牛

一斤取頭末

大腹子

一斤

蓬朮

煨

京三稜

炮

雷丸

炮

蓬朮

煨

廣木香

煨

右為細末研勻用好紫色皂角半斤去皮弦切碎用水兩

大盞浸一宿冬月浸兩宿撈去粗滓銅磁器內熬數沸白

沫出為度放冷和藥必須揀搗為丸如梧桐子大每服四

三

行功

三

錢重五更時沙糖水送下温冷不妨至天明利三五行看
取下是何虫積以温白粥補之忌食生冷魚腥硬之物孕
婦勿服

石榴枝湯 治九虫動作腹中刺痛口吐清水面色黑黃及虫
攻心痛者

東引石榴枝 三兩

陳皮湯浸去白焙 吳茱萸湯泡炒

木香各一兩半 芍藥

大黃煨各二兩 薏苡根二兩半

右咬咀如麻豆大每服半兩水一盞半煎至八分去滓空

心温服

狼牙散 治九虫在腸胃令人心煩吐逆下虫

狼牙 貫衆 鶴虱炒過 蕪荑仁各一兩

右為細末每服一錢粥飲調下良久再服虫出為度

竹節丸 治三虫

燒竹節 雷丸各三分 錫灰二分 橘皮一分

右為細末煉蜜和丸如梧桐子大每服八九丸用白湯送下
一日三服

檳榔湯 治三虫并寸白虫

右用檳榔三枚以灰火煨過麤搗篩用水三盞煎至一盞
半去滓分三服空心日午近夜各一服其虫盡下或和葱
白鹽豉同煮飲之亦佳一方治寸白虫用檳榔二七枚剉
碎以水二升半煮皮取一升半去滓內末頻服煖卧虫出
或不盡更服取瘥止宿勿食旦服之

麥門冬丸 治肺勞熱生虫其形如蠶令人欬逆氣喘或謂夏
膈氣膈志膈寒膈熱膈此皆從勞氣所生名曰膏育病鍼
灸不至

麥門冬 去心 乾薑 炮

蜀椒 去目并合口者微炒出汗各一兩

黃芪 剉 百部 焙

白朮 人參

桂 去粗皮各一分 遠志 去心

附子 炮去皮臍 細辛 去苗

甘草 炙各一兩半 杏仁 去雙仁皮尖焙乾

右為細末煉蜜和更於鐵臼內塗酥杵令勻熟丸如酸棗

大含化稍稍嚥津一方有攢榔一方無白朮

前胡湯 治脾勞有白虫長一寸在脾為病令人好嘔胃中欬
欬即嘔而不出

前胡 去芦 白朮 剉

細辛 去苗

赤茯苓

枳殼 去穰 常山 剉

松蘿

旋覆花 名

龍膽 去苗 杏仁 去雙仁皮尖

右剉碎每服半兩水二盞入竹葉十片洗淨細切同煎至

一盞去滓空心服吐之即瘥若腹中熱滿加芒硝半錢梔

子仁一兩黃芩一兩半苦參一兩一方用枳實無枳殼

雷丸丸 治心臟勞熱傷心有長虫名曰蠱長一尺貫心為病

雷丸 灰火 橘皮 湯浸去 桃仁 去雙仁皮尖

貫衆 大者去 白蕪荑 炒 青箱子 炒 乾漆 炒令烟出

狼牙 去連苗 亂髮 如雞子大一塊燒為灰研

右為細末研勻煉蜜和更於鐵臼內塗酥杵令勻熟丸如

梧桐子大每服十五丸空心用温酒送下至晚再服米飲亦得一方不用塗酥一方有殭蠶吳茱萸根皮

貫衆散 治腎勞熱四肢腫急有蟻虫如菜中虫生於腎中

貫衆 大者三枚去鬚 乾漆 炒令烟絕二兩 吳茱萸 水洗七遍焙乾炒一兩半

槐白皮 乾者剉 白蕪荑 炒各二兩 胡粉 炒黃色研一兩 杏仁 去皮尖雙仁炒半兩

右為細末研勻每服二錢空心井花水調下日晚再服

桑根白皮酒 治肺勞熱生虫在肺為病

桑根白皮 取東引者剉一升 吳茱萸根皮 取東引者淨刷去土五兩

狼牙 去連苗麤淨刷去土三兩

右細剉用酒七升煮至二升去滓分作三服每日空心一服一方無狼牙

茱萸根浸酒方 治脾勞熱有白虫在脾中為病令人好嘔

吳茱萸根 取東引者一尺剉 麻子 八升淨揀 陳橘皮 去白炒二兩

右先搗碎橘皮麻子如泥然後拌茱萸根用酒一斗浸一宿慢火上微煎絞去滓分作五服每服空心温服虫即下

凡合藥時忌言合殺虫藥一方以水煎服

水銀膏 治蟻虫咬人下部痒

右水銀一兩用蒸棗膏和丸如人指大綿裹臨卧内下部中一宿内藥時常留綿帶子在外一方水銀損腸宜慎之

集効丸 治因臟腑虛弱或多食甘肥致蛔虫動作心腹絞痛

發則種聚往來上下痛有虫止腹中煩熱口吐涎沫是蛔咬宜服此藥若積年不瘥服之亦愈又治下部有虫坐痔

痒痛

木香

鶴虱炒

擯榔

訶子煨去核

蕪荑炒研

附子炮制

乾薑炒各七

大黃剉炒一

右為細末煉蜜和丸如梧桐子大每服三十九食前用橘皮湯送下婦人醋湯下

蠶蛹汁方 治虺虫

右取綠絲蠶蛹兩合爛研生布絞取汁空心頓飲之非綠絲即須依時收取蠶蛹曝乾搗為細末用時以意斟酌多少和粥飲服之

錫灰丸 取寸白諸虫

錫灰研細末

鷄心擯榔

貫衆各半

木香二

輕粉

黃丹各二

右為細末酒醋煮麪糊為丸如荔枝大每服一丸米泔軟日午先喫飯了至黃昏不飢飽時喫肉脯一片引虫少刻温酒嚼下至天明虫出又喫葦菜亦治寸白虫

治寸白虫令化為水

狗脊

貫衆

白蕪荑

酸石榴根剉各

右剉碎每服半兩以漿水一大盞煎至五分去滓四更初温服先於晚間不得喫夜飯

治寸白虫為水瀉出永除方

榧子

擯榔

蕪荑各等

右為細末每服二錢温酒調服先燒牛肉脯喫後服藥

聖功散 治寸白虫不拘遠年神效

南木香

檳榔 各等分

右為細末每服三錢濃米飲調下黎明空心先熟嚼炙猪肉之屬只嚙汁吐去滓便服藥辰已聞虫下其疾永除此方簡易如是取效速用之累驗

治寸白虫方

右用樗子四十九枚去皮以月上旬平旦空心服七枚七日服盡虫消成水永瘥又云食實七顆七日滿虫化為水一方以百枚只燃啖之食盡佳不能者但啖五十枚亦得經宿虫消自下一方并治三尸虫

治寸白虫方

右用黑鉛灰炒四錢一服先喫猪肉脯少許一時來却用砂糖濃水半盞調灰五更服虫盡下白粥將息一日良予宣和中每覺心中多嘈雜意謂飲作又疑是虫漫依良方所說服翌日下虫二條一長二尺五寸頭匾闊尾尖銳每寸作一節斑斑如錦紋一條皆寸斷矣千金謂勞則生熱熱則生虫心虫曰蚘脾虫寸白腎虫如寸截絲縷肝虫如爛杏肺虫如蠶五虫皆能殺人惟肺虫為急肺虫居肺葉之內蝕入肺系故成瘵疾咯血聲嘶藥所不到治之為難有人說道藏中載諸般虫皆頭向下行唯自初一至初五以前頭上行故用藥者多取月朏以前蓋謂是也

治濕蠱方

青黛 二兩

黃連

黃蘗

丁香 各一

麝香 二分

右為細末以車脂和如棗大內下部日一二度
治虫蝕下部肛盡腸穿者

右取長股蝦蟆青背者一枚鷄骨一分燒為灰合和吹下
部令深入累用効

奇効良方卷之六十七

奇効良方卷之六十八

中惡門 附論

夫病者卒心腹脹滿吐利不行如乾霍亂狀世所謂衝惡是也
由人精神不全心志多恐遂為邪鬼所擊或復附着沉沉默默
寢言謔語誹謗罵詈訐露人事不避譏嫌口中好言未然禍福
及至其時毫毛無失人有起心已知其肇登高涉險如履平地
或悲泣呻吟不欲見人其狀萬端如醉如狂不可樂舉此皆鬼
神及諸精魅附着惑人或復觸犯忌諱土地神靈為其所作非
有真實但隨方俗攷驗治之中惡者是人精神衰弱為鬼邪之
氣卒中之也夫人陰陽順理榮衛調平神守則強邪不干若將
攝失宜精神衰弱便中鬼毒之氣其狀卒然心腹刺痛悶亂欲

死又凡卒中惡腹大而滿者診其脉緊大而浮者死緊細而微者生又中惡吐血數升脉數細者死浮緩而疾者生中惡者差後餘勢尚滯發作則變成疰也

中惡通治方

辟穢丹 辟穢氣

細辛 半兩

甘松 一兩

川芎 二兩

麝香 少許

右為細末水和丸如彈子大小窞好每燒一九

桃皮湯 治中惡喘急心腹痛胃膈脹滿短氣

桃枝 一握引者

白楊皮 一握

梔子仁 樹四

當歸 切焙

桂心 各三兩

附子 炮去

吳茱萸 湯洗

香豉 各半

右剉碎每服半兩水一盞半入生薑一棗大煎至一盞去

滓入真珠末半錢攪勻温服二方無白楊皮

硃砂丸 治中惡客忤垂死

硃砂 水飛

附子 炮去

雄黃 水飛

麝香 研一分

巴豆 研二十枚

去皮心

右細研勻煉蜜和搗三五百杵丸如麻子大每服三九不

拘時粥飲下如不利更加三九至五七九以利為度

硃犀散 治中惡中忤鬼氣其證暮夜或登廁或出郊野或遊

空屋或人所不至之地忽然眼見鬼物鼻口吸着惡氣薰

然倒地四肢厥冷兩手握拳鼻口出清血性命遂巡須臾

不救此證與尸厥同但腹不鳴心脇俱煖切勿移動即令

人圍繞打鼓燒火或燒麝香安息香蘇木樟木之類候醒

方可移歸

大硃砂

麝香

生所各一分

犀角

半兩鎊

右為細朱研勻每服二錢用井花水調灌服如無前件藥只用單方

治卒中惡方

右用葱心黃刺鼻孔中血出愈肘後方云入七八寸無苦使目中血出佳崔氏云男左女右

治卒中惡方

右令仰卧以物塞兩耳以兩竹筒內病人鼻中使兩人痛吹之塞口傍無令得氣出半日病人則噫噫則勿復吹

治卒中惡氣絕

右以硃砂書舌作鬼字額土亦書之大良

治中惡與卒死鬼擊亦相類

右搗菖蒲生根絞汁灌之立瘥尸厥之病卒死脉尤動听其耳中如微語聲股間煖是也以此方治之

殺鬼五邪丸

治邪氣鬼魅所持妄言狂走恍惚不識人

丹砂

研 雄黃

研 龍骨

鬼臼

去毛

赤小豆

各一兩半

桃仁

湯浸去皮尖雙仁炒研五十粒

鬼箭羽

去莖二兩半

荒青

三十枚炒去翅足

右為細末研勿燥蠟和丸如彈子大囊盛之男左女右繫於臂上小兒繫於頭上合藥時勿令婦人鷄犬見或煉蜜和丸如梧桐子大每服一九米飲下亦可日三服一方有

犀角屑

辟諸邪崇附着及小兒驚哭恐悸

右用安息香一皂子大燒令烟服邪自去

治人卧忽不寤

切勿以火照照之殺人但痛書其踵及足拇指甲際多唾其面即活仍以菖蒲末六兩鼻中及桂末吹舌下

鎮心丸 治心氣怯弱常多厥逆夢恍惚謬忘

丹砂研

防風去藎

官桂去粗皮

細辛去苗葉

當歸切焙

鐵精

防已各一兩

白茯苓去皮

茯神去木

雄黃研

桔梗去蘆

石菖蒲

遠志去心

乾薑炮

銀屑

紫石英研

人參

甘草炙各二兩

右為細末煉蜜和丸如梧桐子大每服十九食後用白湯

送下日三增之

茯神散 治虛羸心氣乏弱多魘

茯神

黃芪

乾薑炮

白芍藥

人參

桂心

甘草炙各一兩

遠志去心三兩

右剉碎每服半兩水一大盞煎五分去滓不拘時溫服

八毒赤丸 治男子婦人染着神鬼謂之鬼疰病服之甚効

雄黃研

礬石一石方

硃砂研

牡丹皮

附子炮

蒸蘆

巴豆各一兩

蜈蚣一條

右為細末煉蜜和丸如小豆大每服五七九至十九冷水

送下無時昔有副使許可道到雄州請醫看脉乍大乍小乍短乍長氣血不勻邪氣傷正本官說去路到邯鄲驛中夜夢一婦人着青衣不見面用手於脇下打了一拳遂一點痛往來不止寒熱不食乃鬼擊也可服八毒赤丸本官言常讀名醫錄中看李子愈八毒赤丸為殺鬼杖子遂與藥三粒臨卧服明旦下清水二斗立効合時宜齋戒誠心破棺散一名復生散治魘卒死及為墻壁竹木所壓水溺人立瘡卒致悶絕產婦惡血衝心諸暴絕證兼治自縊死一切橫死心頭溫者並治之

右用半夏不以多少湯洗去滑研為細末每用大豆許吹入鼻中即活但心頭溫者可治

治卒鬼擊如中箭忽然一點痛如注不可忽

右以桃皮一片將裏面濕處貼痛上取一匙頭安桃皮上緊槎艾一團如胡桃大安匙頭上灸之須臾痛徹

治夢中被刺殺或杖打諸般不祥卒然吐血衄血下血甚者九竅皆有病名鬼擊

外麻

獨活

續斷

地黃

各半兩

官桂

去粗皮一分

右為細末每服二錢食前白湯調下日三服

治自縊死方 凡自縊死從早至晚雖已冷必可活從夜至早稍難若心下溫一日已上猶可救救抱其身緩緩解繩切不可截斷繩放卧令人踏其肩以手按其髮常令一人緊

以手擦胸脇散動之一人摩搦臂足屈伸之若已僵但漸
漸強屈之及按其腹如此一飯時即氣口中出得呼吸眼
開勿苦勞動可用官桂湯少與飲及粥清令潤喉更以兩
人以筆管吹其耳中依此法救無不活者又緊用手掩其
口勿令透氣兩時氣急即活

治自縊死方 凡救自縊死者急須按定其心勿截繩手抱起
徐徐解之心下尚煖以羅囊口鼻兩人吹其兩耳一方以
示物塞耳將竹筒口中重吹氣入仍塞口邊莫令氣出則
可活矣

治自縊死及中惡氣欲絕者

右用皂角細辛搗爲細末吹兩鼻中

治自縊死方

右刺鷄冠血出滴著口中即活男用雌女用雄者塗喉下

治自縊死方

右用鷄屎白如棗大酒半盞和灌只鼻中佳

治自縊死方

右用梁上塵如大豆許以小竹筒時吹兩耳兩鼻即活

治自縊死方

右用尿鼻口眼耳中并捉頭髮一撮如鼻管大掣之立活

治自縊死方

右以藍青汁灌之立活

治自縊死方

右以松子油內口中令得入咽中便活及治溺死

治自縊死救之未活以車載之法
右以絹緊絞身體令堅以車牛載行三十里許使人於車
上行踏肩引髮如前

治溺水死已經半日

右取大甕覆地以溺死人腹伏甕上以微火於甕下燃之
正對死人心下須臾死人心下甕暖口中水出盡即甦勿
令過熱

治溺水葱汁瀉水法

右取不甦皂角為細末以葱白汁或棗穰和丸如棗核大
內下部中其水自出効

治溺水死以酒灌法

右法倒垂死人以好酒灌鼻中及灌鼻部或醋灌鼻中

治忽溺水死者

右側卧壓却水便於肚上多者灰掩之仍以皂角末吹兩
鼻中即活

治溺水石灰壅之得活

右以石灰壅之損下部中水出盡即活一方以綿裹石灰
納下部中

救溺水法 凡人溺水者救上岸即將牛一頭却令溺水之人

將肚橫覆以在牛背上兩邊用人扶策徐徐牽牛而行以出
腹內之水如醒即以蘇合香丸之類或者薑擦牙若無牛

以活人於長板凳上仰卧却令溺水人如前法將吐抵活
人身上水出即活仍灸臍中百壯

治弱水心頭尚溫

右先用人抱定令頭微仰用口於鼻中吸出黃水却先用
綿絮堰其下體及陰囊處即活如無綿絮可用灰數十籬
通體埋蓋只留面在外令頭仰亦可活

凡溺水一宿尚可救

右先屈死人兩脚着生人肩上以死人背貼生人背搥走
吐出水即活亦治凍死

又方

先解死人衣灸臍中即活

又方

右以酒罈一箇以紙錢一把燒放罈中急以罈口覆溺人
人臍上冷則再燒紙錢放於罈內覆臍去水即活

治凍死 凡冬月落水凍四肢直口噤尚有微氣者方或因風
兩霜雪冷氣入臍陽氣暴絕

右以大罈中多熱灰使煖囊盛以搏其心冷則更易心煖
氣通目則得轉口亦乃開可與溫酒服粥清稍稍嚥之即
活若不先溫其心便將火炙其身冷氣與火相搏即不活

治凍死人已救活宜服此藥一二服

生薑

研

陳皮

不去白剉
本各十兩

右用水二盞煎至一盞半放溫與服不可熱不可冷

治凍死方

右用鹽或薑搗末之以索繫定放在平穩處令兩人對面輕輕交轉往來如趕繩法四肢溫和即活仍灸臍中三五壯凡冬月凍倒人急與冷水一兩口扶在溫暖處不得與熱湯如便與熱物及向火必死雪泥中行便近火即脚指隨落

療入井墜悶目

凡五六尺井中及深塚中皆有伏氣入則令大罇悶殺人如欲入必須先以鷄鴨雞鳥毛投之直下至底則無伏氣毛若徘徊不下則有毒氣也亦可內生六畜等置中若有毒其物即死若或不得已而入當先以酒或苦酒數升先

洒井塚中四邊畔停少時然後可入若覺有些氣者即衣奄欲死者還取其中水灑人面令飲之又以灌其頭及身體即活若無水取他水用之

夏月不可淘井多致殺人

宜先以鷄毛放井中試之如搖動不肯便下是有毒氣不可入古塚亦然五月七月尤甚如已中毒以水灑其面并含水調雄黃末一二錢轉筋入腹痛欲死者使四人捉手足灸臍左邊二寸十四壯又生薑一兩擘破酒五盞煮濃頓服又醋煮衣絮令撒溫裹轉筋處又濃煮鹽湯通手浸怪疾手足洗脅間即甦

治遍身忽皮底混混如波浪聲痒不可忍抓之血出亦不能解

謂之氣奔

人參

苦杖

青塩

白朮

細辛各一兩

右剉碎作一服水二椀煎十沸去滓飲盡愈

治手十指節斷壞唯有筋連無節肉間虫出如灯心長尺餘遍

身綠羸名曰血餘

茯苓四錢

胡黃連一錢

右剉碎水一盞半煎至七分不拘時服

治眼赤鼻張大喘渾身出斑毛髮直起乃熱毒氣結於下焦

白礬

滑石研各一兩

右作一服水三椀煎至半椀令不住飲之少安

治手足甲忽然長倒生肉刺如錐痛不可忍

右食葵菜自愈

治眼睛垂出至鼻如黑角色痛不可忍或時時大便血出其名

曰肝脹

右用羌活煎汁服數盞自愈

治腹中有物作聲隨人言語

右用板藍汁一盞分五服服又名應聲虫當服雷丸自愈

治人自覺自形作兩人並卧不別真假不語問亦無對是離魂

右用長砂人參茯苓濃煎湯服之真者氣爽假者化矣

治頭面發熱有光色他人手近之如火燒人

右用蒜汁半兩酒調下吐出蛇狀遂安

治鼻中毛出晝夜可長一二尺漸漸龜圓如繩痛不可忍雖忍痛摘去一莖即復更生此由食猪羊血過多遂生

鍾乳石

硃砂各一兩

右為細末飯和丸如梧桐子大每服十九空心臨卧各一服水送下自然退落一方有乳香不用乳石

治腸破腸出臭穢

急以油摸腸用手送入煎人參拘杞湯之皮自合矣與辛腎粥一十日即愈

治忽然氣上喘不能言語口中汁流吐逆齒皆搖動氣出轉大則悶絕蘇復如是名曰傷寒併熱霍亂

大黃

人參研碎各半兩

右用水三盞煎至一盞去滓熱服

治渾身生癩泡如甘棠梨每箇破出水內有石一片如指甲大

泡破復生抽盡肌膚肉則不可治

荆三稜

蓬義木各半兩

右為細末每服二錢食前溫酒調服

治大腸頭出寸餘治之

右用芝麻清油器盛之以臀坐之飲大麻子汁服數升愈

治口鼻中腥臭水流以椀盛之有鐵色鰕魚如粳米大走躍不

住以手捉之即化為水此肉壞矣

右任意饌食雞肉月餘愈

治兩足心凸如腫上面生黑色豆瘡硬似釘子釘了履地不得

脛骨生碎服髓流出身發寒顫唯思飲酒此是肝腎氣冷
熱相吞

右炮川烏末傳之煎韭子湯服之愈

治四肢節脫但有皮連不能舉動名曰筋解

黃蘆

三兩酒浸一宿取出焙乾

右為細末每服二錢用酒調下服盡即安

治腹脹如鐵石臍中水出旋變作虫行之狀繞身匝咏痒痛難

忍撥掃不能盡

右濃煎蒼木湯浴之及以蒼木末入麝香少許研勻以水

調服

治眼白瞳仁渾黑見物依舊毛髮直如鐵線雖能飲食不語如

醉名曰血漬

右用五靈脂為細末每服二錢食前用温酒調服

治遍身忽然肉出如錐既痒且痛不能飲食此名血注若不

治潰而膿出

右以赤皮葱數莖燒灰淋洗喫豉湯三盞自安

治眉毛搖動目不能視交睫喚之不應但能飲食有經日不効

右用蒜三兩搗取汁酒調下即愈

治毛竅節次血出若血不出皮脹膨如鼓須臾眼鼻口被氣脹

合矣此名脉溢夏子益治奇病方二十八道唐與義刊印

于上饒其間一二證昔常見有病之者皆莫知所以治療

之法今得子益之方敢以附此書之末用廣其傳

右用生薑汁水合半盞服之而安

治血自皮膚濺出

右以煮酒瓶上紙碎揉如楊花以手捏在出血處立止

治恠疾奇方 昔廬陵朋田李教諭梅心傳

袁州分宜縣有一男子自十歲喜飲酒至十九歲日同飲一二斗不醉片時無酒叫呼不絕全不進食日就羸瘦其父驚惶叩神忽遇一道人令其父用手巾縛住其手足不令動搖但扶住少立却取生辣酒一罍就於其子口邊打開其酒氣衝入口中病人必欲取飲而道人堅不肯與之須臾口中吐出物一塊直下罍底道人却用此物與子用猛火燒滾約酒乾一半却開視之其一塊如餅其

兩重週迴有小孔如針眼不可數計棄之江中自後飲食復舊雖滴酒不能飲矣

治居民逃避石窟中賊以烟火熏之

昔李師者被烟熏欲死迷悶中摸索得一束蘆葍俗名蘿蔔嚼汁下咽而甦或臨卧含蘿蔔一塊或預曝為末新水調灌或以新水搗爛飲之皆可

治因癩穿斷舌心血出不止諸藥不能救者

右以米醋用鷄翎掃所斷舌處其血即止仍用直蒲黃杏仁湯泡去皮尖蓬砂少許研為細末以煉熟蜜調藥稀稠得所含化而安

治人身上及頭面肉上浮腫如蛇狀者

右以雨滴磚街上苔痕一錢水化開塗患處立消

昔江左常有商人左膊上有瘡如人面亦無他苦商人藏滴酒口中其面亦赤色以物食之亦能食食多則覺膊內肉脹起或不食之則一臂痺有善醫者教其歷試諸藥不効以草木之類悉試之無苦至貝母其瘡乃聚眉閉口商人喜曰此藥可治也因以小葦筒毀其口灌之數日成痂遂愈然不知何疾也

昔華陀行道見車載一人病咽塞食不下呻吟陀入餅店家取蒜薹并大酢三升飲之當痊果吐大蛇一枚而愈

治有虫如蟹走於皮下作齧耳如小兒啼為筋肉之化

右用雷丸雄黃各一兩為細末用猪肉一片摻藥在上炙

熱喫盡其病自安

治腹上麻痺不仁

右多煮葱白喫之自愈

凡腹脹經久忽瀉數升晝夜不止服藥不効乃為氣脫

右用益智子煎湯服立愈

治眼前常見禽虫飛走以手捉之則無乃肝膽經為疾

羌活

玄明粉

酸棗仁

青箱子花

各一兩

右為細末每服二錢水一大盞煎至七分和滓飲之一日服三次

治面上及遍身生瘡似猫兒眼有光彩無膿血但痛痒不常飲食減少久則透脛名曰寒瘡

右多喫鷄魚葱韭自愈

治口内生肉穢臭惡自己惡見有根線長五寸餘如釵股吐穢
出以飲食了却吞其線以手輕捏痛徹於心困不可言

右用麝香一錢研細食後水調服三日驗

治婦人產後忽兩乳伸長細如腸垂下直下小肚痛不可忍
危亡須臾名曰乳懸

右捋川芎當歸各二斤半剉碎於瓦石器內用水濃煎不
拘時候多少溫服餘一斤半剉作大塊用香爐慢火逐旋
燒烟安在病人面前卓子下要烟氣直上不絕令病人低
頭伏卓子上捋口鼻及病乳常吸烟氣直候用此一料藥
盡看病證如何或未痊安略縮減再用一料如前法煎服

及燒烟薰吸必安如此用二料已盡雖兩乳略縮上而不
復舊用冷水磨草麻子一粒於頭頂心上塗片時即洗去
則痊安矣

治婦人臨產服催生藥驚動太早未嘗離經而用力太過以致
育膜有傷產後水道中垂出肉線一條約三四尺長牽引
心腹痛不可忍以手微動之則痛若欲絕

右先服失笑散數服仍用生薑三斤淨洗不去皮於石鉢
內研爛以清油二斤拌勻入鍋內炒熟以油乾焦爲度先
用熟絹一段約五尺長摺作結方令穩重婦人輕輕使
之屈曲作一團納在水道中却用絹袋兜裹油薑少溫傳
在肉線上熏覺薑漸冷又用熨斗火尉火熱使之常有薑氣

已過除去又用新者如此熏熨一日一夜其肉線已縮太
半再用前法越兩日其肉線盡入腹中其病痊安却再眼
失笑散考歸湯補之切不可使肉線斷則不可治

効良方卷之六十八

奇効良方卷之六十九

諸毒門

附論

凡人跋涉山川不諳水土人畜飲啖誤中於毒素不知方多遭
其斃豈非枉橫耶然而大聖久設其法以救活之正為貪生者
樂忽而不學一朝逢過便自甘心竟不識其所以今述神農黃
帝解毒方法好事者少留意焉

諸毒通治方

神仙解毒萬病丹 治一切藥毒菰子毒鼠莽毒惡菌瘴金石
毒喫疫死牛馬肉毒河豚毒時行瘟疫山嵐瘴瘧急喉閉
纏喉風脾病黃腫赤眼瘡癩衝冒寒暑熱毒上攻或自縊
溺水打撲傷損癰疽發背未破魚臍瘡腫湯火所傷百虫

犬鼠蛇傷男子婦人或中顛邪狂走鬼胎鬼氣並宜服之
凡人居家或出入不可無此藥真濟世衛家之書如毒藥
嶺南最多若通官嶺表纔覺意思不快便服之即安二廣
山谷間有草曰胡蔓草又名斷腸草若以人急水吞之急
死緩水吞之緩死又取毒蛇殺之以草覆上以水洒之數
日菌生其上取為末酒調以毒人始亦無患再飲酒即毒
發立死其俗淫婦人多自配合北人與人情分相好多不
肯逐北人回陰以藥置食中北人還即戒之曰子某年來
若從其言即復以藥解之若過期不往必死矣名曰定年
藥北人屈彼亦宜誌之若覺中毒四大不調即便服之或
於鷄豚魚羊鵝鴨等肉下藥復食此物即觸發其毒急取

此藥一粒或吐或利隨手便痊昔有一女子以患勞瘵
為屍虫所噬磨一粒服之一時又吐下小虫千餘條一大
者正為兩段後只服蘇合香丸半月遂無如常至牛馬六
畜中毒亦以此救之無不効

文蛤

三兩淡紅黃色者搗碎洗淨
本草云五倍子一名文蛤

山茨菇 二兩

續隨子

去殼研細以紙裹
壓去油再研一兩

紅芽大戟 一兩半

麝香

三錢

右各研為細末和勻以糯米粥為劑每料分作四十粒於
端午重陽七夕合如欲急用辰日亦得於木臼中杵數百
下不得令婦人孝子不具足人鷄犬之類見之切宜秘惜
不可廣傳輕之無効○如癰疽發背未破之時用冷水磨

塗痛處并磨服良久覺痒立消○陰陽二毒傷寒心悶狂
言亂語胃膈壅滯邪毒未發及瘟疫山嵐瘴氣纏疾風冷
水入薄荷一葉同研下○急中煎邪喝叫亂走鬼胎鬼氣
並用煖無灰酒下○自縊落水死心頭煖者及驚死鬼迷
死未隔宿者並冷水磨灌下○蛇犬蜈蚣傷並用冷水磨
塗傷處○諸般瘡疾不問新久臨發時煎桃柳枝湯磨下
○小兒急慢驚風五疳八痢蜜水薄荷一葉同磨下○牙
關緊急磨塗一九分作三服量大小與之○牙痛酒磨塗
及含藥少許吞下○湯火傷東流水磨塗傷處○打撲傷
損炒松節無灰酒下○年深日近頭疼太陽疼用酒入薄
磨紙花貼太陽穴上○諸般癩疾口眼喎斜眼目翳

眠夜多睡涎言語塞澀卒中風口禁牙關緊急筋脈攣
骨節風腫手脚疼痛行步艱辛一應風氣疼痛並用酒磨
下有孕婦人不可服

青黛雄黃散 凡始覺中毒及蛇虫咬癰疽纒作即服此冷毒
氣不聚

好青黛 雄黃各等分

右研細令勻每服二錢新汲水調下

解毒毒方 乾道五年襄陽有劫盜將死而持古寶命黥配者
州牧慮其復為人害既受以刑以生漆塗其两眼囚行
到荆門已盲不見物寄禁長林縣獄以待傳送適有村
叟以事在獄中憐而語之曰汝明日去時倩送者注蒙

石急尋蟹搗碎瀝汁滴眼內漆當隨汁流散瘡亦愈矣如其言訪得一小鱗用之留三日而行目睛好略無損子妹媚朱睇顏時以當陽尉揖色令親見之

誤飲蛇交水毒方 陳齋郎湖州安吉人因涉春渴掬澗水兩

口嚥數日覺心腹微痛日久疼甚服藥醫診之云心脾受

毒今心脾損甚齋荅六去年涉春渴飲澗水得此病醫云

喫却蛇在澗邊遺下不淨在澗水內蛇已成形在腹中食

其心而痛也遂以水調雄黃服之果下赤蛇數條皆能走

解毒丸 解世間不測一切毒

山豆根

山茨菇

菘豆粉各三兩

板藍根

土馬樓

黃藥子

紫河車

續隨子仁

木通

益硝

藿香

五味子

薄荷

貫衆

寒水石

白殭蠶

乾葛

雄黃

百藥煎各二兩

茜草根

大黃

硃砂各一兩

麝香半兩

甘草炙四兩

右為細末蒸餅和丸如彈子大以螺青三兩和勻留一半為衣每服半丸用生薑蜜水化下

治溪毒中毒

右以知母連根葉搗作末服之亦可服水搗取汁飲二升夏月出行多取此屑自隨欲入水先取少許投水上流便無畏蕪辟射工亦可和水作湯浴之甚佳

治中蠱毒

右用生蒼耳七箇白礬兩皂子許嚼塗咬處須男子嚼之餘藥敷腫處

白扁豆飲 一名巴豆膏

解砒毒等

右用白扁豆不以多少為細末入青黛等分細研再入甘草末少許巴豆一枚去殼不去油別研為細末取一半入藥內以砂糖一大塊水化開添成一盞飲之毒隨利去後却服五苓散之類

藍根散

解藥毒

藍根 剉一握

蘆根 剉一握

菴豆 研一分

澱脚 研一分

右先將二根以水一椀煎至七分去滓次入後二味和勻分三服或一二服利下惡物不用再服

水引

凡中藥毒分即令食生黑豆數粒食之間即解者即非中毒也若是吐逆躁煩服藥須極冷即解也

甘草 生一兩

白礬 生兩

延胡索 一兩

右剉細每服半錢水一盞煎至六分去滓放冷細細呷之解半夏毒方

右以生薑汁或乾薑汁服之良○唐崔魏公云鉉夜暴亡

有梁新聞之乃診之云中食毒僕曰常好食竹鷄竹鷄多

食半夏苗必是半夏毒命生薑搥汁而灌之活○浙人王

夫人忽日面上生黑斑數點日久滿面俱黑遍求醫治不

效忽遇一草澤醫人云夫人中食毒治之一月平復後校

其方止用生薑汁服之問其故云食斑鳩蓋此物常食半

夏苗中毒以薑解之

解斑猫荒青毒方

右用猪膏大豆汁或盐蓝汁服之一方用盐汤煮猪膏已豆飲之一方用大小黑豆汁服之並瘥

解葭芎毒方

治食葭芎悶亂如卒中風或似熱感狂病服藥

即劇

右以甘草汁或藍青汁飲之即愈

治中砒毒方

右用甘草汁同藍汁飲之即愈

解鈎吻毒方

治鈎吻毒困欲死面青口噤逆冷身凉肘後方云鈎吻菜萸食芥相似而所生之傍無他草又莖有毛誤

食之殺人

右用薺芎八兩咬咀以水六升煮取三升如人躰冷服五合日二夜三濃服為妙一方煮桂汁飲之一方取葱涕佳

解砒毒方

右以豆豉濃煎湯飲之亦治服藥過劑心中煩悶

解巴豆毒方

其證口乾兩臉赤五心熱利不止諸藥不効

右用芭蕉根葉研取自然汁服利止而安

解鼠莽草毒方

右用枯蓮房殼帶梗陰乾咬咀煎水二三椀灌之如無用荷葉中心蒂或用藕節煎湯一椀温冷灌之毒即散

解砒毒方

其證煩躁如狂心腹攪痛頭旋欲吐不吐面色青

黑四肢逆冷命在須臾不救

右用菘豆半升搗去滓以汲水調通口服或用真靛花二錢分二服以井花水濃調服之又方治悶絕心頭溫者新汲水調水粉服之如神

解附子毒方

右用防風濃煎湯飲之立瘥

解一切藥毒草毒六畜肉中毒方

右用白扁豆生曬乾為細末新汲水調下二三錢已痊椒醫者高照一子無賴父笞之遂服此霜自毒大洩利腹脹欲裂子教以水調服隨所欲與之不數碗即安

解藥毒方

王仲禮嗜酒吐歲時瘡瘡發於鼻延於頰心甚惡

之服藥勿効僧法滿使服何首烏丸當用二斤適墳僕識草藥乃搗得之其法忌鐵器但於砂鉢中藉黑豆蒸熟既成香味可人念所蒸水必能去風證以類面初覺極熱漸加不仁至晚大腫眉目耳鼻渾然無別望之者莫不驚畏主之毋高氏曰凡人感風癩非一日積吾兒遇毒何至於此是吾聞

山豆根

赤小豆

黑蛤粉

生薑汁

右急命撲搗揆薑汁以上三味為末調付之中夜腫消到曉如初蓋先採何首烏擇焉不精為狼毒雜其中以致此

撓也

解藥過劑毒

服附子酒多而覺頭重如斗唇裂血流急求黑

豆菹豆各數合嚼之及濃煎黑豆菹豆湯併飲○服風藥
多悶亂不省醋灌濃煎甘草同生薑自然汁頓飲之又方
以螺青細研新汲水調下

治藥中豆下利不止

乾薑

黃連微炒各一兩

右為細末每服二錢水調下如人行五里再服

又方治同前

右煮菹豆湯冷服之瘥

薺芎湯 療石毒卒發者慄慄如寒或欲食或不欲食若服涼
石英發毒者亦熱悶昏昏喜卧起止無氣力或寒者
腑氣不和以此治之

薺芎 四兩

茯苓

黃芩

芍藥 各二兩

蔓菁子一升 藍子

人參

甘草 各一兩

右咬咀以水一斗先煮蔓菁子取八升去滓內餘藥煎取
三升去滓分三服日三若虛弱人加人參一兩若上氣加
茯苓薺芎各一兩甚良

治銀毒方

黃連去毛

甘草 生剉各一兩

右剉碎以水三盞煎取二盞去滓時時飲之

治丹砂毒方

右用鹽半兩以冷水攪勻令澄旋旋服之

治石鍾乳毒方

右用紫石英爲細末每服一錢七溫水調下連三服

黑鉛酒 治中金石藥毒

右用黑鉛一斤以甘鍋溶作汁投酒一升如此十數迴候酒至半升去鉛頓服之効一方以井水磨下解砒毒

解丹毒方

右以地漿服之其効

治一切藥毒蠱毒金石毒

右並用石蟹以熟水磨服

治五石毒

右用薺菀汁生服良

治丹石毒

右以蚌肉食之良

解麪毒方

右以蘿服啖之昔有婆羅門僧東來見食麥麪者云此大熱何以食之又見食中有蘿服云賴有此以解性自此相傳食麪必啖蘿服

解一切食毒及飲酒不知中何毒卒急無藥可解

薺菀

甘草 生用各二兩

右細剉以水五盞同煎取二盞俾冷去滓分三服一方解一切藥毒加密少許同煎服之

治食索粉片積方

右用紫蘇濃煎汁加杏仁泥服之即散

治中豆腐毒方

右用生蘿蔔煎湯如非時無蘿蔔用子煎湯亦可有人好食豆腐因中其毒醫治不効偶更醫醫至中途適見做豆腐之家夫婦相爭因問云今早做豆腐妻誤將蘿蔔湯置腐鍋中今豆腐不成蓋豆腐畏蘿蔔也醫得其說至病家凡用湯使俱以蘿蔔煎湯或調或燉病者遂愈

治粽糍為積方

右用麩末加少木香末鹽湯調服口有酒香食積去矣大治酒積甚妙

黃龍湯

治因食中毒

右將竈底當金直下掘取赤土為細末以冷水調隨多少

治誤吞水蛭方

昔有人夜間飲水誤吞水蛭入腹經停日久

必生下小蛭能食人肝血腹痛不可忍面目黃瘦全不進食若不早治能令人死

右用田中乾泥一塊以小死魚三四箇同猪膏熔油攪勻用巴豆十粒去皮膜拌入泥內研爛和丸如菽豆大用田中冷水吞下十九丸小兒服三丸至五丸須臾大小水蛭一時皆瀉出却以局方四物湯加黃芪煎服生血補理

獺肝丸 治食魚膾不消生瘕常欲食膾者

獺骨肝肺

大黃各八分

蘆根

鶴骨各七分

桔梗五分

乾薑

桂心各四分

斑蝥枚十一

右為細末煉蜜和丸酒服十九至十五九日再瘥

治食狗肉不消心下堅或腹脹口乾大渴心急發熱狂言妄語

或洞下方

右用杏仁一升去皮研以沸湯三升和絞汁三服狗肉原片皆出淨良驗

治食六畜肝中毒方

凡物肝臟不可輕噉自死者彌勿食之
右用豆豉以水浸絞取汁旋服之

治河豚毒方

五倍子 白礬

右等分為細末水調服之

食自死馬驢肝中毒方

右取故頭巾垢一錢匕熱湯中烱服之亦治卒心痛以沸

湯取汁飲之頭巾即縛髻帛也又方飲豉汁數升良

治食狗肉不消心下堅或腹脹口乾或發熱不語

右以蘆根煮汁飲之

治食馬肝牛肉毒方

右以人乳汁合豉濃汁服之神効

治誤吞蜈蚣方 昔有村店婦人因用火筒吹火不知筒內有

蜈蚣藏焉因以火其蜈蚣驚逆竄入喉中不覺下曾求

救人無措手適有人云取討小豬兒一箇斷喉取血食之

灌以清油取吐即愈

療食葷并菌中毒致殺人者及療楓菌食之令人笑不止者並

皆治之蓋菌種類不一往往蛇虺毒氣所熏蒸而成耳
右掘地作坑以新汲水投坑中攪之乘渾濁取出以絹濾
過用磁器盛每服時調轉飲一盞至三盞當効
解菰子毒及一切菌毒

右用荒花生者為末每服一錢新汲水下以利為好

中葷毒方 崇寧間蘇州太平山白雲寺五僧行山間得葷一
叢甚大摘而煮食之至夜發吐三人急採鴛鴦草生啖遂
愈二人不甚肯啖吐至死此草藤蔓而生對開黃白花傍
水依山處皆有之治癰疽腫毒尤妙或服或傳今人謂之
金銀花又曰老翁鬚本草名忍冬草

石刻方 治蠱毒宋嘉祐中范吏部道為福州守日揭一方於

石云凡中蠱毒無論年代近遠但煮一鴨卵挿銀釵於內
并噙之約一食頃取視釵卵俱黑即中毒也其方用

五倍子 二兩 硫黃末 一錢 丁香

木香

麝香

輕粉 各少許

糯米 二十粒

甘草

三十粒 生半錢

右用水十分於瓶內煎七分候藥面生皺皮為熟絹濾去
滓通口服病人平正仰臥令頭高覺腹中有物衝心者三
次後得大吐出一盆桶盛之如鯀魚之類乃是惡物吐罷
飲茶一盞瀉亦無妨旋煮白粥補忌生冷油膩餅醬十日
後服解毒丸三五丸經旬平復

七寶丸 治蠱毒

敗鼓皮

蠶退紙 各性刺蝟皮

五倍子

續隨子

硃砂

雄黃研各等分

右為細末糯米稀糊和丸如梧桐子大每服七丸空心用熟水送下

東坡雄黃丸 治蠱毒及虫蛇畜獸毒

雄黃

明白礬生用各等分

右於端午日合研細熔黃蠟和丸如梧桐子大每服七丸念藥王菩薩藥上菩薩七遍白湯送下

蜜髓煎 治中蠱毒令人腹內堅痛面目青黃病變無常

蜜一椀

猪骨髓五兩研

右同煎令熟分作十服日三服即瘥毒及金蠶蠱毒方 凡中毒者先以白礬末令嘗不覺遊

而味甘次食黑豆不腥乃中毒也即濃煎石榴根皮汁飲之不下即吐出虫皆活無不愈者李晦之云凡中毒以白礬茶芽搗為末冷水飲之

馬兜零根湯 治五種蠱毒及草蠱術在西涼處及嶺南人若行此毒入人咽喉痛欲死者

右用馬兜零根一兩細剉以水一盞煎至七分去滓空心頓服當時吐出蠱末吐再服以快為度一方以苗為末温水調服一方用根搗末水服方寸匕

治諸蠱毒方

右用鰻鱧魚乾末空心服之三五度差一方燒炙令香食之尤佳其魚有五色紋者良

鐵精丸 治食中有蠱毒腹內堅痛面目青黃瘦瘁淋露骨立

病變無常

鐵精乃鐵缺爐中如塵紫色
輕者為佳不拘多少

右為細末以生鷄肝搗和丸如梧桐子大曝乾每服五丸
至七丸溫酒下

治中蠱毒

右用山豆根不以多少密遣人和水研已禁聲服少許不
止再服

槲皮散 治蠱毒下血如爛肉片心腹疔痛如有物齧若不即

治蝕人五臟乃死

槲木北陰 桃根白皮各四兩 蝟皮灰

亂髮灰各一兩 火麻子汁 五升

右先以水五盞煮槲皮桃根皮取濃汁二盞和麻子汁
服煖汁一盞調蝟皮灰髮灰二升之令患人少食旦服須
更用水一盞以鷄翎引吐於水中如牛涎諸蠱並出

治中蠱毒下血如肝

草麻一粒 朴硝 一系

右細研作一服新汲水調下連作二三服効

地榆散 治蠱毒下血或腹痛或不痛百治不効煩渴不止

臭椿根東引根白皮 地榆各半

右為細末每服一錢熱米飲調下

苦瓠湯 治蠱毒吐血或下血如爛肝

右用苦瓠一枚切以水二大盞煎取一盞去滓空心分温
二服吐下蠱即愈范汪方云苦瓠毒當臨時量用之肘後
方云用苦酒一升煮令消飲之神驗一名苦葫蘆
療卒中蠱下血如鷄肝者 晝夜出血石餘四歲皆損惟心未
毀或鼻破待死者

右以桔梗搗屑以酒服方寸匕日三服不能下藥者以物
拗口開灌之心中當煩須臾自定服七日止當猪肝臘以
補之神良

雄黃散 治中蠱毒吐血

雄黃

一分

伏龍肝

研半兩

斑猫

云足翅糯米炒十四枚去糯米

獺肝

如棗大炙

右為細末每服二錢七空以酪漿調下或吐蝦蟇及蛇
虫等虫是効

麥麩散 治中蠱吐血

右用小麥麩二合分為三服以冷水調下半日服盡當下

蠱即瘥

試蠱法 南方有蠱毒之鄉於他家飲食即以犀角攪之白沫

竦起即為有毒無沫者即無毒也

黃南衛生方挑生 胡蔓草并葉如茶其花黃而小凡一葉入

口百竅潰血人無復生廣西愚民私怒茹以自斃家人覺
之急取抱卵不生鷄兒細研和以麻油扶口灌之乃盡吐
出惡物而甦少遲不可救矣如人誤服此藥者止以前法

解之

治挑生 雷州民康材妻為蠻云林公榮用鷄肉挑生值商人
 楊一者善醫療與藥服之繼食頃吐積肉一塊剖開筋膜
 中有生肉存已成鷄形頭尾嘴翅悉稍似康訐于州州捕
 林至獄而呼楊生今具疾語用藥其略云凡喫魚肉瓜果
 湯茶皆可挑生初中覺脣腹稍痛明日漸加覺刺滿十日
 則物生能動騰上則脣痛下則腹痛積以瘦瘁此是候
 也昔陳可大知肇慶府助下忽腫起如生癰瘡狀頃刻間
 其大如椀識者云此中挑生毒也候五更以菽豆細嚼試
 若香甜則是已而果然乃用此方
 右用升麻為末用冷熟水調二大錢服之遂洞下瀉出

即消續煎平胃散調補若在上膈則取之其法用熟茶一
 甌投膽礬半錢於中候礬化盡通呷服良久以鷄翎探喉
 中即吐出毒物在下膈則瀉之以米飲調礬金末三錢毒
 則瀉下乃碾人參白朮末各半兩同無灰酒半升入瓶內
 慢火熬半日待酒熟取出溫服之日一杯五日乃止然後
 飲食如故

葱白湯 治中水毒溪毒如傷

葱白一握 豉半升 葛根二兩 升麻三分

右剉如豆大每服四錢七水三盞煎至一盞去滓不拘時
 溫服移時再服

五加皮散 治中水毒溪毒如瘡

勿寒狀

右用五加皮研為細末每服一錢七酒一盞調下日二衣
一粥飲調亦得一方以五
牡丹散 治中水毒溪毒下部
加根燒研為末水調服
右用牡丹皮為細末每服
二錢七酒一盞調下日三

奇效良方卷之六十九終



